

# STATUT NOGOMETNOG SAVEZA TUZLANSKOG KANTONA

Na osnovu članova 12,13, 14. i 15. Zakona o udruženjima i fondacijama („Službene novine F BiH, broj 45/02“) i člana 73. stav 1. Statuta NS FBiH, a u vezi sa odredbama 24. stav 2. Zakona o sportu TK („Službene novine TK“, broj 8/10) Skupština Nogometnog saveza Tuzlanskog kantona na sjednici održanoj 15.08.2016. godine, usvojila je

## STATUT NOGOMETNOG SAVEZA TUZLANSKOG KANTONA

### I OSNOVNE ODREDBE

Definicije termina:

- FIFA: Federation Internationale de Football Association (Međunarodna nogometna unija)
- UEFA: Union des Associationis Europeennes de Football (Evropska nogometna unija)
- IFAB: International Football Association Board (Međunarodni nogometni odbor koji je donio Pravila nogometne igre)
- Nogometni/Fudbalski savez Bosne i Hercegovine: udruženje koji se sastoji od dva nogometne/fudbalske saveza organizovana na entitetskim nivoima:
  - a) Nogometni savez Federacije Bosne i Hercegovine (skraćeno: NS FBiH)
  - b) Fudbalski savez Republike Srpske (skraćeno FS RS)
- Nogometni savez Tuzlanskog kantona: udruženje općinskih nogometnih saveza i drugih punopravnih članova sa područja Tuzlanskog kantona
- Općinski nogometni savez: udruženje nogometnih/fudbalskih klubova i drugih punopravnih članova sa područja općine
- Dužnosnik: Svaki član komiteta ili komisije i pojedinci kao što su sudije, pomoćne sudije, treneri i drugi pojedinci odgovorni za tehnička, administrativna i medicinska pitanja u Nogometnom savezu Tuzlanskog kantona
- Igrač: nogometaš registrovan u skladu sa propisima FIFA-e
- Nogomet u savezu: igra koju kontroliše FIFA i koji je organizovana u skladu sa Pravilima nogometne igre
- Skupština: najviše tijelo upravljanja i odlučivanja Nogometnog saveza Tuzlanskog kantona
- Izvršni odbor: izvršno tijelo Nogometnog saveza Tuzlanskog kantona
- Član: pravna ili fizička osoba koju je Skupština primila u članstvo Nogometnog saveza Tuzlanskog kantona
- Delegat: predstavnik općinskog nogometnog saveza, kao i predstavnik drugog punopravnog člana u Skupštini Nogometnog saveza Tuzlanskog kantona
- Redovni sudovi: mjesno i stvarno nadležni sudovi u FBiH koji rješavaju sporove u skladu sa nadležnošću propisanom Ustavom FBiH i Zakonom o sudovima u FBiH
- CAS: Arbitražni sud za sport sa sjedištem Lausanni (Švicarska) kome se strane u sporu koje imaju pravni interes mogu obratiti nakon što iscrpe sva pravna sredstva predviđena Statutom NS/FS BiH i drugim propisima

Napomena: Termini koji se odnose na fizičke osobe važe za oba gramatička roda/spola, a svaki termin u jednini, važi za množinu i obratno.

Član 1.

Nogometni savez Tuzlanskog kantona (u daljem tekstu Savez) je dobrovoljno udruženje Općinskih nogometnih/fudbalskih saveza, asocijacija klubova ili pojedinaca (treneri, sudije i dr.) sa područja Tuzlanskog kantona osnovano radi organizovanja i razvoja nogometa na području Tuzlanskog kantona.

Savez je nevladino, nepolitičko i nezavisno sportsko udruženje.

Član 2.

Puni naziv Saveza je: Nogometni savez Tuzlanskog kantona.

Skraćeni naziv Saveza je NS TK-a.

Sjedište Saveza je u Tuzli, ulica Rudarska 63.

Član 3.

Savez predstavlja i zastupa predsjednik Saveza.

Član 4.

Savez ima svojstvo pravne osobe sa pravima, obavezama i odgovornostima utvrđenim Zakonima, drugim propisima i ovim Statutom.

Savez je neprofitabilna osoba, a upisuje se u Registar udruženja koje vodi Ministarstvo pravosuđa i uprave TK-a, te u Registar fizičkih i pravnih osoba u oblasti sporta koji vodi Ministarstvo obrazovanja, nauke, kulture i sporta TK-a.

Savez za preuzete obaveze odgovara sopstvenom imovinom (potpuna odgovornost).

Savez ima žiro-račun.

Službeni jezici Saveza su jezici utvrđeni Ustavom FBiH uz upotrebu latiničnog i ćiriličnog pisma.

Član 5.

Savez ima zastavu i grb.

Zastava Saveza je u obliku pravougaonika, dimenzija 200x100 cm, bijele boje sa grbom u sredini i natpisom Nogometni savez Tuzlanskog kantona.

Grb Saveza je predstavlja nogometna lopta koja se nalazi u granicama Tuzlanskog kantona.

Član 6.

Savez ima pečat i štambilj.

Pečat Saveza je okruglog oblika sa grbom u sredini pečata i izrađuje se u dvije veličine.

Pečat br. 1 (jedan) je prečnika 35 mm sa natpisom po obodu u latiničnom pismu na bosanskom jeziku; NOGOMETNI SAVEZ TUZLANSKOG KANTONA.

Pečat br. 2 (dva) je prečnika 25 mm i izrađuje se za potrebe komisija, te pored naziva NOGOMETNI SAVEZ TUZLANSKOG KANTONA stoji naziv komisije.

Odluku o izradi pečata i štambilja donosi Izvršni odbor Saveza.

Izvršni odbor Saveza svojom odlukom utvrđuje izgled, oblik i tekst štambilja Saveza.

Generalni sekretar Saveza ili zaposlenik Saveza kojeg on pismeno ovlasti odgovoran je za čuvanje i upotrebu pečata i štambilja.

Član 7.

Savez je udružen u Nogometni savez Federacije BiH.

Savez, njegova tijela i službene osobe, članovi saveza, klubovi, igrači, treneri, nogometni suci, službene osobe i drugi pripadnici nogometnog sporta obavezuju se:

- a) postupati u skladu sa Pravilima nogometne igre koje je donio Međunarodni nogometni savez (IFAB) i Pravilima igre za mali nogomet i nogomet na pijesku koja je donio Izvršni komitet FIFA-e, a koja mogu biti izmijenjena i dopunjena samo od strane naprijed navedenih subjekata;
- b) poštovati Statut, pravilnike, odluke i druge akte FIFA-e, UEFA-e, NS/FS BiH, NS FBiH i Saveza, kao i odluke CAS-a donesene po žalbi na osnovu Statuta NS/FS BiH;
- c) učestvovati u takmičenjima i/ili drugim sportskim aktivnostima koje organizira NS FBiH (ako je to primjenjivo);
- d) poštovati principe lojalnosti, integriteta i sportskog ponašanja kao izraze fair-play-a;
- e) izbjegavati bilo kakav oblik diskriminacije, kako je to definisano članom 10. ovog Statuta;
- f) da Izvršno tijelo bude slobodno izabrano, te da druga statutarna tijela budu birana ili imenovana na potpuno nezavisan način, bez uticaja trećih lica;
- g) da izabrani ili zamjenski delegati u Generalnoj skupštini NS/FS BIH i Skupštini NS FBiH imaju dužnost da prisustvuju redovnoj ili vanrednoj sjednici navedenih Skupština;
- h) osigurati da imenovani ili izabrani članovi ili zamjenski članovi nekog statutarnog tijela NS/FS BIH i NS FBiH prisustvuju sastancima na koje su pozvani;
- i) da klubovi mogu sve svoje odluke donositi nezavisno od trećih lica i bez obzira na strukturu koju je klub izabrao, te uzimajući u obzir propise o zaštiti integriteta takmičenja;
- j) priznati nadležnost Arbitražnog suda za sport (CAS) u Lausanni (Švicarska), na način utvrđen odredbama Statuta FIFA-e i UEFA-e, kao i relevantnim odredbama Statuta NS/FS Bosne i Hercegovine;
- k) u posljednjoj instanci, sve sporove nacionalnog karaktera koji proizilaze ili su vezani za primjenu Statuta NS/FS Bosne i Hercegovine i drugih propisa, nakon što se iscrpe sva pravna sredstva predviđena navedenim propisima, strane u sporu mogu pokrenuti pred Arbitražnim sudom za sport (CAS) koji će riješiti sve sporove, isključujući redovne sudove, izuzev ako je to zabranjeno zakonodavstvom Bosne i Hercegovine.

## II – CILJEVI i ZADACI

Član 8.

Ciljevi Saveza su da u okviru nadležnosti utvrđenih ovim Statutom i drugim propisima organizuje, rukovodi, razvija, promovise i unapređuje nogometni sport na području Tuzlanskog kantona.

Radi ostvarivanja navedenih ciljeva, Savez ima zadatak da:

- a) organizuje i rukovodi sistemom takmičenja iz svoje nadležnosti;
- b) registrira klubove i pojedince (igrače, trenere, suce i zvaničnike) i vodi evidenciju za rang takmičenja;
- c) odobrava korištenje stadiona i drugih nogometnih objekata koji se nalaze na području TK-a;
- d) održava izborne Skupštine u istoj godini i u vremenskom periodu između 30-90 dana prije datuma održavanja izborne Skupštine NS FBiH;
- e) saraduje sa NS F BiH, u cilju razvoja i unapređenja nogometa, a putem istog sa NS/FS BiH, kao i udruženim članovima;
- f) štiti i poštuje prava i interese svojih članova i da rješava sporove među njima;
- g) osigura da svi izbori ili imenovanja u nadležnosti Saveza budu provedeni na zakonit način;
- h) osigurati da mandat Predsjednika i dopredsjednika bude maksimalno 4 godine;
- i) da poštuje i unapređuje jedinstvo NS FBiH;
- j) plaća članarinu i izmiruju druge finansijske obaveze utvrđene Statutom NS FBiH drugim propisima;
- k) omogućiti svim imenovanim ili izabranim članovima u tijelima i komitetima NS F BiH i NS/FS BiH prisustvo na sjednicama;
- l) pribavi pisanu saglasnost od NS/FS BiH prije uspostavljanja saradnje sa savezima učlanjenim u FIFA-u i UEFU-u, kao i Savezima koji su suspendirani ili isključeni iz FIFA-e, uključujući pridružene članove;
- m) u potpunosti se pridržava svih drugih obaveza koje proizilaze iz Statuta NS/FS BiH i drugih propisa.

Kao dio naprijed navedenih zadataka, Savez je odgovoran za sljedeće:

- a) utvrđuje opšte organizacione i administrativne principe za nogometni sport u Tuzlanskom kantonu;
- b) brine o unapređenju stručnog rada i osposobljavanju stručnih djelatnika (trenera, instruktora i sudaca) i drugih kadrova za rad u nogometu u Tuzlanskom kantonu;
- c) uspostavljanje saradnje sa vaspitno-obrazovnim ustanovama i drugim organizacijama i institucijama;
- d) utvrđuje obim prava i obaveza članova Saveza. Članovi Saveza su dužni za svoje Statute, prije početka njihove primjene, pribaviti pisanu saglasnost Saveza;
- e) obavljanje i drugih poslova utvrđenih Zakonom, Statutom i drugim propisima.

### Član 9

Ciljeve i zadatke navedene u čl. 8. ovog Statuta, Savez obavlja neposrednim i zajedničkim djelovanjem udruženih članova.

### Član 10.

Savez je neutralan po pitanjima politike i vjere.

Diskriminacija bilo koje vrste prema državama, osobama ili grupama osoba zasnovana na njihovoj rasi, nacionalnosti, vjeri, polu, jeziku, političkom opredjeljenju ili bilo čemu drugome zabranjena je i predstavlja razlog za suspenziju ili isključenje iz Saveza.

Član 11.

Savez će podsticati prijateljske odnose između svojih članova, klubova, igrača, trenera, sudaca i drugih pripadnika nogometnog sporta.

Član 12.

Savez svoju djelatnost ne smije obavljati radi sticanja dobiti.

Ako u obavljanju djelatnosti Savez ostvari dobit, ona se mora isključivo koristiti za obavljanje i unapređenje djelatnosti Saveza, kojima se ostvaruju ciljevi Saveza, utvrđeni ovim Statutom.

### III –ČLANSTVO

Član 13.

Članovi Saveza su Općinski nogometni/fudbalski savezi, a mogu biti i asocijacije klubova kao i pojedinaca (treneri, sudije i dr.) sa područja Tuzlanskog kantona osnovani u skladu sa odredbama Zakona o sportu TK („Službene novine TK“, broj: 8/10) i drugim propisima i upisani, u skladu sa odredbama čl.4. ovog Statuta, u odgovarajuće registre.

„Škole nogometa/fudbala (klubovi koji se ne takmiče u seniorskoj konkurenciji) ne mogu imati delegate u Skupštini Saveza sa pravom glasa, niti predlagati kandidate za tijela Saveza. Izuzetno, Škole nogometa/fudbala mogu ostvarivati pravo iz ovog stava kao Savez udruženja škola nogometa/fudbala osnovan u skladu sa pozitivnim zakonskim propisima“.

Skupština, na osnovu preporuke Izvršnog odbora Saveza, prima u članstvo i vrši suspenziju ili isključuje iz članstva bilo kojeg člana Saveza.

Svako pravno lice koje želi postati član Saveza mora se pismeno prijaviti Sekretarijatu, koji podnosi pismeni izvještaj Izvršnom odboru.

Kandidat za prijem u Savez uz zahtjev prilaže:

1. rješenje o registraciji;
2. statut kandidata (Općinskog nogometnog/fudbalskog saveza ili drugog podnosioca zahtjeva), osnivački akt;
3. izjavu da će sve domaće utakmice igrati na teritoriji Bosne i Hercegovine;
4. izjavu da je podnosilac prijave obavezuje da će uvijek poštovati Statut, propise, direktive i odluke NS FBIH, NS/FS BIH, FIFA-e i UEFA-e, te osigurati da ih poštuju i svi njegovi članovi, klubovi, službena lica, igrači i treneri;
5. izjavu da je podnosilac prijave saglasan da se pridržava važećih Pravila nogometne igre koja je objavio IFAB, kao i Pravila igre za mali nogomet i nogomet na pijesku, koja je objavio Izvršni odbor FIFA-e;
6. izjavu da priznaju nadležnost Arbitražnog suda (CAS) u Lozani (Švicarska), kako je navedeno u relativnim odredbama Statuta FIFA-e i Statuta UEFA-e;
7. izjavu da je saglasan da će u posljednjoj instanci svi sporovi domaćeg karaktera, koji proizilaze ili su vezani za primjenu Statuta NS FBIH, propisa, direktiva ili odluka donesenih na osnovu tog Statuta, ili vezanih za bilo kakav ugovor, prosljeđivati na isključivu nadležnost nezavisnog i nepristrasnog arbitražnog tribunala, konkretno CAS-a u Lozani, kako je to navedeno u relativnim odredbama Statuta FIFA-e, UEFA-e, NS/FS BIH i NS FBIH, dok se zakonodavstvom BIH ne

uspostavi odgovarajući arbitražni tribunal koji zadovoljava minimalne zahtjeve FIFA-e i UEFA-e. CAS će donositi konačna rješenja sporova bez redovnih sudova, osim ako to nije eksplicitno zabranjeno važećim zakonodavstvom Bosne i Hercegovine;

8. izjavu kojom pokazuje da zakonski sastav podnosioca zahtjeva za članstvo u Savezu, bez obzira na svoju pravnu strukturu, garantuje da je u stanju sve svoje odluke donositi nezavisno od bilo kojeg vanjskog tijela;
9. dosje koji sadrži detalje o organizacionoj strukturi podnosioca zahtjeva (npr. broj klubova, igrača, službenih lica, sudaca, trenera, imovine i tijela, itd.);
10. listu svojih službenika, navodeći one koji su ovlašteni potpisnici sa pravom izvršenja pravno obavezujućih sporazuma sa trećim stranama;
11. izjavu da se podnosilac zahtjeva slaže da će organizirati i učestvovati u prijateljskim utakmicama samo uz prethodnu saglasnost NS FBiH/Saveza;
12. primjerak zapisnika sa posljednje sjednice Skupštine podnosioca zahtjeva ili sa njegove osnivačke skupštine;
13. izjavu da će podnosilac zahtjeva osigurati da se njegovi članovi, klubovi, dužnosnici, igrači, treneri, medicinsko osoblje i dr. pridržavaju zahtjeva navedenih pod gornjim tačkama 3. do 8. putem Statuta, registracije, licence ili nekog drugog pisanog i potpisanog dokumenta.

Asocijacije pojedinaca moraju svoje aktivnosti organizirati na području Tuzlanskog kantona, i to navesti u svojoj prijavi.

Asocijacije ili grupe klubova, nadalje, moraju dati izjavu da niti jedna pravno ili fizička osoba (uključujući holding kompanije i podružnice) nema kontrolu nad više od jednog kluba ili grupe, kad god bi integritet bilo koje utakmice ili takmičenja mogao biti ugrožen.

Statut kandidata mora sadržavati odredbe iz čl. 7. st. 2. i čl. 62. ovog Statuta.

Nakon Odluke Skupštine Saveza o prijemu u članstvo Saveza, potpisuje se Ugovor o udruživanju čime Općinski nogometni/fudbalski savez ili drugi član stiče svojstvo punopravnog člana Saveza sa pravima, obavezama i odgovornostima utvrđenim Zakonom, ovim Statutom i drugim propisima.

Skupština usvaja posebne propise koji regulišu proceduru prijema.

Izvršni odbor Skupštini preporučuje da li da primi ili ne primi nekog podnosioca zahtjeva u članstvo.

Podnosilac zahtjeva može iznijeti Skupštini razloge za svoju prijavu u članstvo.

Skupština donosi konačnu odluku o prijavi nekog kandidata za članstvo u Savez.

### Član 14.

Sa područja jedne općine samo jedan Općinski nogometni /fudbalski savez može biti član Saveza.

Skupština Saveza, bodovanje Općinskih nogometnih /fudbalskih saveza (radi utvrđivanja broja delegata u Skupštini Saveza), uzimajući kao kriterij broj i rang klubova koji redovno i stalno učestvuju u ligaškim takmičenjima, vrši na sljedeći način:

## STATUT NOGOMETNOG SAVEZA TUZLANSKOG KANTONA

a) III kantonalna liga	1 bod
b) II kantonalna liga	2 boda
c) I kantonalna liga	4 boda
d) malonogometni klub	6 bodova
ženski klub	6 bodova
II liga FBiH	6 bodova
e) I liga FBiH	8 bodova
f) Premijer liga BiH	10 bodova

Statutom Općinskog nogometnog /fudbalskog saveza utvrditi će se način i uslovi za prijem klubova u članstvo Općinskog nogometnog /fudbalskog saveza.

### IV – PRAVA ČLANOVA

#### Član 15.

Članovi Saveza imaju prava:

- da učestvuju u Skupštini Saveza, da unaprijed dobiju dnevni red, da budu pozvani na Skupštinu u propisanom vremenu, te da ostvaruju svoje pravo glasa;
- da daju prijedloge za uključenje u dnevni red Skupštine;
- birati delegate u Skupštinu Saveza i putem istih učestvovati u radu Skupštine Saveza;
- predlagati, birati i biti biran u tijela i komisije Saveza;
- sarađivati sa Savezom po svim pitanjima koja se odnose na organizaciju, razvoj i unapređenje nogometa na Tuzlanskom kantonu;
- biti obaviješteni o svim aktivnostima Saveza;
- u svojstvu gostiju prisustvovati sjednicama Skupštine Saveza;
- podnijeti zahtjev za sazivanje Skupštine;
- učestvovati u takmičenjima koje organizira NS FBiH (ako je to primjenjivo);
- ostvarivati i druga prava utvrđena Statutom i drugim propisima

### V – OBAVEZE ČLANOVA

#### Član 16.

Članovi Saveza, osim onih navedenih u članu 7. st. 2. imaju i sljedeće obaveze:

- provoditi odluke i druge akte tijela i komisija Saveza;
- osigurati da njihov statut i ostali opći akti, kao i statut i opći akti njihovih klubova, budu usklađeni sa Zakonom, ovim Statutom i ostalim općim aktima ovog Saveza i statutom i ostalim propisima FIFA-e i UEFA-e;
- dostaviti Savezu svoje statute, kao i izmjene i dopune istih;
- da njihovi klubovi i igrači učestvuju u takmičenjima;
- da organizuju takmičenja koja se nalaze u njihovoj nadležnosti;
- plaćati članarinu i izmirivati druge finansijske obaveze utvrđene ovim Statutom i drugim propisima;



- g) dostavljati Savezu izmjene kod osoba ovlaštenih za zastupanje;
- h) voditi ažurirani popis članova;
- i) osigurati da svi izbori ili imenovanja u njihovoj nadležnosti budu provedeni na zakonit način;
- j) održavati Skupštine najmanje jednom u toku godine i izborne Skupštine u istoj godini i u vremenskom periodu između 30-90 dana prije datuma održavanja izborne Skupštine Saveza;
- k) omogućiti svim imenovanim ili izabranim članovima u tijelima i komitetima Saveza prisustvo na sjednicama;
- l) izbjeći formiranje raznih interesnih grupa koje ugrožavaju ili bi mogla ugroziti jedinstvo nogometa na Tuzlanskom kantonu;
- m) osigurati da mandat njihovih Predsjednika bude maksimalno 4 godine;
- n) osigurati da se izvršno tijelo člana Saveza bira putem slobodnih izbora, na način propisan Statutom koji mora sadržavati takvu odredbu, u protivnom Savez će odbiti da prizna takvo tijelo;
- o) da njihovi Statuti sadrže odredbu koja će im omogućiti da sve odluke vezane za svoje članstvo donose slobodno i bez uticaja trećih lica;
- p) da poštuju i unaprjeđuju interes i cjelovitost Saveza;
- q) ostale obaveze koje proizilaze iz ovog Statuta i općih akata Saveza, FIFA-e i UEFA-e, te Statuta i drugih propisa NS/FS BiH i NS FBiH

## VI - SUSPENZIJA

### Član 17.

Izvršni odbor Saveza može suspendovati člana Saveza koji djeluje suprotno odredbama Zakona, Statuta NS/FS BiH, Statuta NS FBiH, ovog i svog Statuta ili Statuta FIFA-e i UEFA-e, te može suspendovati člana pravnog tijela koji, pored naprijed navedenih propusta u radu, počini teško krivično djelo.

Suspenzijom se privremeno gube prava iz članstva Saveza ili tijela.

Skupština Saveza na prvoj narednoj sjednici donijeće konačnu odluku povodom suspenzije.

### Član 18.

Članstvo u Savezu prestaje:

- a. brisanjem člana iz Registra udruženja i Registra fizičkih i pravnih osoba navedenih u čl.4.st.2. ovog Statuta;
- b. ako se utvrdi da je član prestao djelovati ili ako nije održao Skupštinu najmanje dvije godine;
- c. na vlastiti zahtjev uz obrazloženje;
- d. ukoliko član djeluje suprotno odredbama čl.12. st 1. ovog Statuta

Odluku o prestanku članstva donosi Skupština Saveza.



Finansijske obaveze koje su nastale prema Savezu do trenutka prestanka članstva, ostaju obaveza dosadašnjeg člana.

## VII – ORGANIZACIJA SAVEZA

### Član 19.

Savez ima sljedeća tijela (a, b, c, d, e i f):

- a) Skupština Saveza (u daljnjem tekstu: Skupština) je najviše tijelo upravljanja i odlučivanja u Savezu
- b) Izvršni odbor je najviše izvršno tijelo Saveza
- c) Predsjednik Saveza (osoba ovlaštena za predstavljanje i zastupanje Saveza)
- d) Generalni sekretar je administrativni izvršni direktor Sekretarijata/Stručne službe Saveza
- e) Pravna tijela su Disciplinska komisija i Apelaciona komisija i Tužilac Saveza
- f) Stalne i ad hoc komisije su radna tijela Izvršnog odbora

## VIII – SKUPŠTINA

### Član 20.

Skupštinu Saveza čini predstavnici udruženih članova, odnosno delegati općinskih nogometnih/fudbalskih saveza, kao i predstavnici drugih punopravnih članova.

Skupština broji 31 delegata, s mogućnošću da taj broj, u skladu sa kriterijima za utvrđivanje strukture i broja delegata, bude veći ili manji.

Broj delegata, nakon što se na način predviđen čl. 14. ovog Statuta izvrši bodovanje, utvrđuje se tako što udruženim članovima, odnosno općinskim nogometnim/fudbalskim savezima, u zavisnosti od broja skupljenih bodova, pripada određeni broj delegata u Skupštini i to:

- |                                     |            |
|-------------------------------------|------------|
| a) do 15 bodova                     | 1 delegat  |
| b) 16-30 bodova                     | 2 delegata |
| c) 31-45 bodova                     | 3 delegata |
| d) 46-60 bodova                     | 4 delegata |
| e) 61-75 bodova                     | 5 delegata |
| f) Članice, udruženja, po 1 delegat |            |

„Da bi postao kandidat za statutarno tijelo Saveza, lice mora ispunjavati sljedeće uslove, odnosno mora:

- a) biti aktivan član u nogometnoj organizaciji u klubu, asocijaciji ili udruženju jedne od članica Saveza;
- b) biti delegiran iz nogometne organizacije (klub, asocijacija ili udruženje);
- c) biti delegiran ispred jedne od nogometnih organizacija kojoj pripada (tačka a) ovog stava);

- d) ne može biti delegiran iz nogometnog/fudbalskog kluba ako pripada kategoriji sudija, delegata, kontrolora, trenera i drugih nogometnih sredina udruženih članova;
- e) biti državaljanin Bosne i Hercegovine i imati prebivalište na području Tuzlanskog kantona;
- f) da se bavi ili se bavio nogometnom igrom;
- g) podnijeti dokaz da nema izrečenu disciplinsku sankciju od strane disciplinskog organa NS TK-a, NS F BiH ili NS/FS BiH, odnosno da se ne vodi u registru disciplinskih kazni izrečenih za povrede propisa za sljedeće disciplinske kazne:
  - zabrana vršenja funkcije u periodu dužem od 3 (tri) mjeseca;
  - smjenjivanje rukovodstva, isključenje iz nogometne/fudbalske organizacije;Izrečena disciplinska sankcija mora biti potvrđena od strane Disciplinske komisije NS TK-a
- h) da mu nije izrečena pravosnažna presuda na kaznu zatvora u trajanju od najmanje 3 (tri) mjeseca za krivično djelo učinjeno sa umišljajem;
- i) da nije pravosnažno krivično osuđivan i da se ne vodi u registru osuđivanih lica zbog krivičnih djela u vezi sa sportom, bez obzira na vrstu krivične sankcije.

Zahtjevi stavova d) i g) ovog člana primjenjuju se i na generalnog sekretara i druge uposlenike Sekretarijata. Međutim, Izvršni odbor može kroz organizacione propise za njih postaviti daljne zahtjeve.

Ako osoba tokom svog mandata u Savezu prestane ispunjavati jedan od gore navedenih uvjeta, on odmah gubi status člana organa ili tijela Saveza.

Delegat u Skupštini ne može biti:

- a) član Izvršnog odbora Saveza,
- b) Predsjednik i dopredsjednik Saveza
- c) Generalni sekretar Saveza,
- d) član pravnih tijela Saveza (Disciplinske i Apelacione komisije);
- e) Tužilac Saveza;

## Član 21.

Članovi Saveza dostavljaju Sekretarijatu Saveza listu svojih delegata koji su pravovaljano izabrani na njihovoj Skupštini, najkasnije 45 (četrdesetpet) dana prije održavanja Skupštine,

Članovi Saveza, pored delegata, biraju i po 1 (jednog) (čl. 20. st.3. tač.a i b), odnosno 2 (dva) (čl. 20. st.3. tač.c i d), zamjenska delegata Skupštine.

Delegati i zamjenski delegati su, najkasnije 30 dana prije održavanja Skupštine na kojoj će biti izvršena verifikacija njihovih mandata, dužni u Sekretarijat Saveza da dostave dokaze o ispunjavanju uvjeta iz čl.20. st. 4. (tač. a,b,c) i st. 5. (tač. d i e), kao i biografiju.

Mandat delegata počinje da teče od dana verifikacije njegovog mandata u Skupštini, a ističe danom verifikacije mandata delegata novog-sljedećeg saziva Skupštine.

Delegat koji nije u mogućnosti da prisustvuje Skupštini, dužan je o tome odmah pisanim putem obavijestiti Generalnog sekretara Saveza, kako bi isti, za tu Skupštinu, uputio poziv zamjenskom delegatu.

Glasanje putem: punomoćnika, dopisa, telefonom i mail-om nije dozvoljeno.

Skupština poslove iz svoje nadležnosti obavlja na sjednicama, a može zasjedati kao redovna ili vanredna.

Način rada, prava i obaveze delegata u Skupštini, kao i druga pitanja značajna za efikasan rad Skupštine uređuju se Poslovníkom o radu Skupštine.

## A – REDOVNA SKUPŠTINA

### Član 22.

Redovna Skupština se održava najmanje jednom godišnje, a obavezno u roku od 3 (tri) mjeseca po isteku fiskalne godine.

Odluku o sazivanju redovne Skupštine donosi Izvršni odbor po sopstvenoj inicijativi ili na pisani zahtjev članova Saveza koji u Skupštini imaju više od polovine delegata.

Izvršni odbor utvrđuje prijedlog dnevnog reda Skupštine.

Poziv za održavanje Skupštine sa prijedlogom dnevnog reda, mjestom, datumom i vremenom održavanja i potrebnim materijalima Generalni sekretar dostavlja delegatima Skupštine, članovima Saveza i Izvršnog odbora najkasnije 30 (trideset) dana prije održavanja Skupštine.

Pored osoba iz prethodnog stava ovog člana na Skupštinu se pozivaju i sljedeće osobe:

- a. Počasni: predsjednici i članovi, predsjednik i generalni sekretar NS FBiH;
- b. Drugi gosti koje pozove Izvršni odbor Saveza.

Izvršni odbor u roku navedenom u prethodnom stavu utvrđuje i i broj članova Saveza i listu delegata Skupštine sa pravom glasa.

Delegati Skupštine i članovi Saveza, najkasnije u roku u roku od 15 (petnaest) dana prije datuma održavanja Skupštine, mogu Izvršnom odboru podnijeti prijedlog za izmjene i dopune predloženog dnevnog reda koji mora biti obrazložen u kom slučaju Izvršni odbor održava sjednicu na kojoj razmatra i odlučuje o izmjenama i dopunama predloženog dnevnog reda i utvrđuje konačan dnevni red Skupštine.

Generalni sekretar je dužan, potrebne materijale sa konačno utvrđenim dnevnim redom, dostaviti subjektima navedenim u st. 4. i 5. ovog člana, najmanje 10 (deset) dana prije datuma održavanja Skupštine.

Za organizaciju i pripremanje sjednica Skupštine odgovoran je Izvršni odbor kome podršku pružaju nadležna tijela i stručne službe Saveza.

### Član 23.

Skupština (redovna i vanredna) se može održati i pravovaljano odlučivati ukoliko je prisutno 3/4 od ukupnog broja delegata koji čine Skupštinu.

U slučaju da nije postignut kvorum Skupština zasjeda po istom dnevnom redu narednog dana na istom mjestu i u isto vrijeme. Na ovom zasjedanju mora prisustvovati natpolovična većina (50% + 1) od ukupnog broja delegata da bi se donosile pravovaljane odluke.

Ako se ne postigne taj kvorum Izvršni odbor saziva novu Skupštinu po istom dnevnom redu u roku od 15 dana. Generalni sekretar dostavlja pozive članovima i delegatima. Na taj sjednici nije neophodan kvorum većine (iz prethodnog stava).

## **B - VANREDNA SKUPŠTINA**

### Član 24.

Vanrednu Skupštinu saziva Izvršni odbor na pisani zahtjev 1/3 članova preko većine svojih delegata. Zahtjev mora sadržavati teme za dnevni red i kratko obrazloženje zahtjeva, a mora se uputiti generalnom sekretaru Saveza.

Ukoliko je pravovaljano podnešen zahtjev za sazivanje vanredne Skupštine ista se mora održati najkasnije u roku od 30 dana od dana podnošenja zahtjeva. Poziv za Skupštinu sa dnevnim redom delegatima Skupštine, članovima Saveza i članovima Izvršnog odbora dostavlja Generalni sekretar Saveza, najkasnije 15 dana prije datuma održavanja Skupštine.

Dnevni red vanredne Skupštine se ne može mijenjati.

### Član 25.

Sjednicom Skupštine predsjedava Predsjednik Saveza.

U slučaju odsutnosti ili spriječenosti predsjednika da prisustvuje sjednici Skupštine, sjednicom predsjedava dopredsjednik Saveza, a u njegovoj odsutnosti najstariji delegat Skupštine.

## **C – IZBORI**

### Član 26.

Izbori se vrše tajnim glasanjem.

Sve druge odluke Skupština donosi javnim glasanjem, ukoliko ne odluči drugačije.

Suspendirani članovi nemaju pravo glasa.

Izabranim se smatra kandidat koji je dobio većinu glasova ukupnog broja delegata Skupštine.

Ukoliko ni jedan kandidat nije dobio većinu glasova prisutnih delegata na Skupštini u prvom krugu, izbori se ponavljaju, a u drugom krugu učestvuju dva kandidata koji su u prvom krugu dobili najveći broj glasova.

## **D- NADLEŽNOSTI SKUPŠTINE**

### Član 27.

Skupština ima sljedeće nadležnosti

1. donosi i mijenja Statut Saveza;
2. donosi i mijenja Poslovnik o radu Skupštine;
3. donosi i mijenja Poslovnike o radu pravnih tijela Saveza;

4. odlučuje o prijemu ili isključenju člana Saveza
5. bira i razrješava predsjednika i dopredsjednika Saveza;
6. verifikuje i razrješava članove i zamjenske članove Izvršnog odbora predložene od strane članova Saveza;
7. verifikuje delegate i zamjenske delegate u Skupštinu Saveza predložene od strane članova Saveza;
8. razrješava delegate u Skupštini Saveza;
9. bira i razrješava pravna tijela Saveza;
10. razmatra i odlučuje o izvještajima o radu pravnih tijela Saveza;
11. bira i predlaže kandidate koji će predstavljati Savez u tijelima NS/FS BiH i NS F BiH;
12. usvaja strukturu takmičenja na nivou Saveza i donosi odgovarajuće provedbene i druge propise;
13. na prijedlog Izvršnog odbora usvaja Plan prihoda i rashoda Saveza za tekuću godinu;
14. na prijedlog Izvršnog odbora razmatra i usvaja Izvještaj o finansijskom poslovanju Saveza;
15. na prijedlog Izvršnog odbora imenuje neovisnog revizora Saveza, te razmatra i odlučuje o izvještaju revizora Saveza;
16. razmatra i odlučuje o Izvještaju o radu Izvršnog odbora;
17. predlaže kandidate koji će predstavljati Savez u tijelima NS/FS BiH i NS F BiH;
18. razmatra programe, planove i strukturu za sve vrste takmičenja na nivou Saveza i donosi odluke o istima, a sve na prijedlog Izvršnog odbora Saveza;
19. donosi odluku o prestanku rada Saveza;
20. obavlja sve druge poslove koji ovim Statutom ili drugim propisom nisu stavljani u nadležnost drugog tijela Saveza.

#### Član 28.

Mandat delegata u Skupštini traje 4 (četiri) godine.

Delegatu u Skupštini može prestati mandat i prije isteka roka na koji je izabran u slučaju:

- a) smrti;
- b) promjene ili gubitka državljanstva;
- c) danom odjave prebivališta sa područja Tuzlanskog kantona;
- d) podnošenjem pisane ili zapisnički konstatovane ostavke;
- e) pravomoćne presude na kaznu zatvora dužu od tri mjeseca;
- f) ukoliko delegat dva puta uzastopno neopravdano izostane ili napusti sjednicu Skupštine;
- g) nastupanjem okolnosti zbog kojih više nije u mogućnosti da obavlja tu dužnost (oduzimanjem poslovne sposobnosti i dr.)

Mandat naknadno izabranog ili zamjenskog delegata traje do isteka mandata delegata na čiju dužnost je stupio.

## E- DONOŠENJE ODLUKA

### Član 29.

Skupština (redovna ili vanredna) odluke donosi 3/4 većinom glasova ukupnog broja delegata Skupštine kada se razmatraju sljedeća pitanja:

- a) donošenja i mijenjanja Statuta;
- b) prijema i isključenja člana Saveza;
- c) usvajanje i izmjena strukture prvenstva na razini NS TK
- d) donošenja odluke o prestanku rada Saveza;
- e) druga pitanja o kojima odluči Skupština.

Sve druge odluke Skupština većinom glasova od ukupnog broja delegata Skupštini (50% + 1).

## F - ZAPISNIK

### Član 30.

Na sjednici Skupštine vodi se zapisnik i biraju ovjerivači zapisnika.

Za vođenje zapisnika na sjednici Skupštine odgovoran je Generalni sekretar.

Zapisnik sa održane sjednice Skupštine potpisuju ovjerivači zapisnika u roku od dvije sedmice od održane sjednice Skupštine, te se isti dostavlja delegatima Skupštine u roku od 30 (trideset) dana od sjednice Skupštine.

Ukoliko u narednom roku od dvije sedmice u Sekretarijat Saveza ne bude dostavljen prigovor, zapisnik se smatra usvojenim,

U protivnom, prigovori se razmatraju i o istima odlučuje na sljedećoj sjednici Skupštine.

## IX – POČASNI PREDsjedNIK I POČASNI ČLAN

### Član 31.

Na prijedlog izvršnog odbora Skupština može dodijeliti status počasnog predsjednika ili počasnog člana. Taj status dodjeljuje se za posebne zasluge u nogometu.

Počasni predsjednici i počasni članovi mogu prisustvovati Skupštini u savjetodavnom svojstvu, ali nemaju pravo glasa.

## X - IZVRŠNI ODBOR

### Član 32.

Izvršni odbor sačinjava 13 predstavnika udruženih članova-općinskih nogometnih/fudbalskih saveza, s mogućnošću da broj članova sastav Izvršnog odbora bude drugačiji, s tim da isti ne bi trebao brojati više od 13 članova.

Članovi Saveza dostavljaju Sekretarijatu Saveza imena 2 (dva) kandidata za člana i zamjenskog člana Izvršnog odbora koji su pravovaljano izabrani na njihovoj Skupštini, najkasnije 45 (četrdesetpet) dana prije održavanja Skupštine

Kandidati za članove i zamjenske članove su dužni, najkasnije 30 dana prije održavanja Skupštine na kojoj će biti izvršena verifikacija njihovih mandata, u Sekretarijat Saveza da dostave dokaze o ispunjavanju uvjeta iz čl. 33. st. 1. (tač. a,b,c, e i f).

Mandat članova Izvršnog odbora je četiri godine, uz mogućnost ponovnog izbora.

Kandidat za člana Izvršnog odbora potvrđuje volju za prihvatanje navedene funkcije pred Skupštinom.

Ukoliko nastupe okolnosti zbog kojih član Izvršnog odbora nije u mogućnosti da obavlja svoju dužnost, upražnjeno mjesto, za preostali mandantni period, popunjava njegov zamjenski član.

### Član 33.

Da bi postala kandidat za člana Izvršnog odbora osoba mora ispunjavati sljedeće kumulativne uvjete:

- a) biti državljanin BiH i priložiti biografiju (CV) koja sadrži informacije o obrazovanju i profesionalnim iskustvima,
- b) biti stalno nastanjen na području BiH;
- c) izabrani ili imenovani član udružen u NS TK ili u neki od njegovih statutarnih članova;
- d) aktivan u nogometu;

Član Izvršnog odbora ne može biti:

- a) delegat u Skupštini Saveza,
- b) Generalni sekretar Saveza,
- c) član pravnih tijela Saveza (Disciplinske i Apelacione komisije i Tužilac Saveza).

### Član 34.

Članu Izvršnog odbora mandat može prestati i prije isteka roka na koji je izabran, u slučaju:

- a) smrti;
- b) promjene ili gubitka državljanstva;
- c) danom odjave prebivališta sa područja Tuzlanskog kantona;
- d) podnošenjem pisane ili zapisnički konstatovane ostavke;
- e) pravomoćne presude na kaznu zatvora dužu od tri mjeseca;;
- f) ukoliko član Izvršnog odbora u toku godine tri puta neopravdano ili dva puta uzastopno neopravdano izostane sa sjednice Izvršnog odbora;
- g) nastupanjem okolnosti zbog kojih više nije u mogućnosti da obavlja tu dužnost (oduzimanjem poslovne sposobnost i dr.)



### Nadležnost Izvršnog odbora

#### Član 35.

Izvršni odbor ima sljedeće nadležnosti:

- 1) predlaže izmjene i dopune: Statuta, Poslovnika o radu Skupštine, te Poslovnika o radu njenih pravnih tijela;
- 2) bira i razrješava predsjednika i članove stalnih i povremenih (ad hoc) komisija
- 3) donosi Poslovnike o radu stalnih i povremenih (ad hoc komisija)
- 4) razmatra i odlučuje o izvještajima o radu stalnih i povremenih (ad hoc komisija)
- 5) podnosi Skupštini izvještaj o svom radu;
- 6) donosi odluku o suspenziji i o prestanku suspenzije člana Saveza;
- 7) predlaže Skupštini imenovanje neovisnog revizora Saveza;
- 8) predlaže Skupštini Plan prihoda i rashoda Saveza za tekuću godinu;
- 9) sačinjava godišnji Izvještaj o finansijskom poslovanju Saveza i upućuje ga Skupštini na razmatranje i odlučivanje;
- 10) donosi Pravilnik o unutrašnjoj organizaciji i sistematizaciji poslova i radnih zadataka sekretarijata Saveza;
- 11) donosi program razvoja i unapređenja nogometa na nivou Saveza i u skladu s tim daje uputstva članovima Saveza;
- 12) donosi kalendar i propozicije takmičenja iz svoje nadležnosti;
- 13) imenuje generalnog sekretara Saveza i, kada je to potrebno, imenuje vršioca dužnosti generalnog sekretara;
- 14) utvrđuje opšte i posebne uslove koje mora ispunjavati kandidat za generalnog sekretara, dok ugovorom o radu definiše njegova prava, obaveze i odgovornosti;
- 15) usvaja listu delegata u ligama kojima rukovodi ;
- 16) donosi odluke o izdavanju službenog glasila Saveza, drugih publikacija i stručne literature;
- 17) po prethodno pribavljenom mišljenju Komisije za propise Saveza, daje pisanu saglasnost na Statute članova Saveza;
- 18) može suspendirati jednog člana pravnog tijela do održavanja sljedeće skupštine, ako se dokaže da je kriv za teške propuste u obavljanu svojih dužnosti. Konačnu odluku donosi Skupština;
- 19) obavlja sve druge poslove koji ovim Statutom ili drugim propisom nisu stavljeni u nadležnost drugog tijela Saveza.

### Kalendar sjednica, dnevni red

#### Član 36.

Sjednice Izvršnog odbora se održavaju se u pravilu jednom mjesečno. Sjednicu saziva i njom predsjedava predsjednik, a u njegovoj odsutnosti ili spriječenosti, dopredsjednik ili član Izvršnog odbora izabran na toj sjednici.

Predsjednik Izvršnog odbora dužan je sazvati sjednicu na zahtjev 1/3 članova Izvršnog odbora, najkasnije u roku od 10 (deset) dana računajući od dana podnošenja zahtjeva.

Članovi Izvršnog odbora mogu, uz zahtjev za sazivanje sjednice, Generalnom sekretaru dostaviti prijedlog dnevnog reda.

Generalni sekretar poziv za sjednicu dostavlja članovima Izvršnog odbora najmanje 7 (sedam) dana prije održavanja sjednice.

Generalni sekretar prisustvuje sjednicama Izvršnog odbora bez prava odlučivanja.

Na poziv, sjednici Izvršnog odbora, bez prava odlučivanja, mogu prisustvovati i osobe čije je izjašnjenje značajno rad utvrđivanja određenih činjenica. Kada prestane potreba za takvom osobom, ona se udaljava sa sjednice.

### **Kvorum**

#### Član 37.

Izvršni odbor ima kvorum za rad kada sjednici prisustvuje najmanje 2/3 članova.

Ako se ne postigne kvorum, Izvršni odbor se automatski mora sastati narednog dana na istom mjestu i u isto vrijeme, da bi razmatrao isti dnevni red. U ponovljenoj sjednici Izvršni odbor ima kvorum ako je prisutna natpolovična većina članova Izvršnog odbora (50% + 1).

### **Donošenje odluka**

#### Član 38.

Izvršni odbor donosi odluke većinom glasova od ukupnog broja članova.

Odluke se donose javnim, ili ako se za to odluči, tajnim glasanjem.

Pravilnikom o radu Izvršnog odbora i njegovih stalnih i povremenih (ad hoc) komisija detaljnije se uređuje način rada na sjednicama Izvršnog odbora, kao i nadležnost i način rada navedenih komisija.

## **XI - PREDsjedNIK I DOPREDSJEDNIK SAVEZA**

#### Član 39.

Savez ima predsjednika i dopredsjednika.

Predsjednik Saveza je po dužnosti predsjednik Izvršnog odbora i Odbora za hitnost, te Predsjedavajući Skupštine.

Na kandidate za predsjednika i dopredsjednika Saveza primjenjuju se odgovarajuće odredbe čl. 20. st. 4. ovog Statuta.

Izabranim se smatra kandidat koji je dobio većinu glasova ukupnog broja delegata Skupštine.

Ukoliko ni jedan kandidat nije dobio većinu glasova prisutnih delegata na Skupštini u prvom krugu, izbori se ponavljaju, a u drugom krugu učestvuju dva kandidata koji su u prvom krugu dobili najveći broj glasova.

U drugom krugu kandidat sa više glasova izabran je za predsjednika Saveza, a drugi kandidat je izabran za dopredsjednika Saveza.

Mandat predsjednika i dopredsjednika traje četiri godine.

Predsjednik i dopredsjednik moraju dolaziti iz općinskih nogometnih saveza i istovremeno ne mogu biti iz istog općinskog nogometnog Saveza.

Član 40.

Predsjednik predstavlja i zastupa Savez.

On je prvenstveno zadužen za:

- a) provođenje odluka koje donese Skupština i Izvršni odbor, kao i Odbor za hitnost, saziva i predsjedava sjednicama Izvršnog odbora i Odbora za hitnost;
- b) osiguravanje djelotvornog funkcioniranja tijela Saveza, da bi se ostvarili ciljevi opisani u ovom Statutu i programima koje odobri Skupština ili drugo nadležno tijelo;
- c) nadziranje rada Skretarijata;
- d) održavanje odnosa između Saveza i njegovih članova, NS FBiH, svih drugih Saveza članova i klubova, kao i političkih vlasti i svih drugih organizacija;
- e) potpisuje opće akte koje donosi Skupština, Izvršni odbor i Odbor za hitnost;
- f) isključivo predlaže imenovanje ili razrješenje generalnog sekretara;
- g) obavlja i druge aktivnosti utvrđene ovim Statutom i drugim općim aktima Saveza ili koje su u vezi sa funkcijom predsjednika

Predsjednik koordinira rad Skupštine, Izvršnog odbora i Odbora za hitnost, te prati rad pravnih tijela, kao i stalnih i ad hoc komisija.

U slučaju neriješenog glasanja na Izvršnom odboru ili Odboru za hitnost predsjednikov glas je odlučujući.

U slučaju odsutnosti ili spriječenosti predsjednika da obavlja svoju funkciju, dok traju te okolnosti, zamjenjuje ga dopredsjednik.

**Radna tijela Izvršnog odbora - KOMISIJE**

Član 41.

Stalne komisije Saveza su savjetodavna tijela Izvršnog odbora i to:

- a) Finansijska komisija;
- b) Komisija za takmičenje;
- c) Tehnička komisija;
- d) Komisija za sportsku medicinu;
- e) Komisija za suđenje i sudije;
- f) Komisija za omladinski nogomet;
- g) Komisija za ženski nogomet;
- h) Komisija za mali nogomet;
- i) Komisija za propise;
- j) Komisija za stadione i bezbjednost;
- k) Komisija za medije;
- l) Komisija za nagrade i priznanja.

Izvršni odbor može po potrebi osnivati ad hoc komisije radi rješavanja posebnih pitanja.

Svaku komisiju čini predsjednik i 2 člana.

Komisija ima kvorum kada sjednici prisustvuje većina članova, a odluke donosi većinom glasova od ukupnog broja članova.

Član 42.

Predsjednika i članove svih komisija imenuje Izvršni odbor na mandat od 4 godine uz mogućnost ponovnog imenovanja.

**XII - GENERALNI SEKRETAR**

Član 43.

Generalni sekretar je administrativni izvršni direktor Sekretarijata saveza koga imenuje Izvršni odbor i sa kojim zaključuje ugovor o radu.

Generalni sekretar obavlja sljedeće poslove i zadatke:

- a) brine se za zakonitost rada i ispunjavanje zakonom i drugim propisima utvrđenih obaveza Saveza;
- b) donosi opće i pojedinačne akte iz oblasti radnih odnosa za zaposlenike Sekretarijata Saveza;
- c) rukovodi Sekretarijatom Saveza i odgovoran je za njegov rad;
- d) naredbodavac je za izvršenje plana prihoda i rashoda utvrđenom odlukom o budžetu Saveza za tekuću godinu;
- e) odgovoran je za izvršenje zaključaka i drugih odluka iz nadležnosti Skupštine i Izvršnog odbora;
- f) prisustvuje sjednicama Skupštine, Izvršnog odbora, Odbora za hitnost i pravnih tijela i učestvuje u raspravama, ali bez prava odlučivanja;
- g) Podnosi Izvršnom odboru odboru Izvještaj o poslovanju, šestomjesečnom i godišnjem finansijskom izvještaju Saveza;
- h) obavlja i druge poslove utvrđene Statutom, te koje mu povjeri Skupština i Izvršni odbor Saveza.

Član 44.

Generalni sekretar je samostalan u svom radu, a odgovoran je za svoj rad Izvršnom odboru.

Prava, obaveze i odgovornosti Generalnog sekretara uređuju se ugovorom o radu.

**XIII – ODBOR ZA HITNOST**

Član 45.

Odbor za hitnost čine predsjednik i dopredsjednik Izvršnog odbora i 2 (dva) člana Izvršnog odbora koja, prema potrebama i okolnostima, imenuje predsjednik Izvršnog odbora.

Generalni sekretar Saveza, na zahtjev predsjednika, saziva sjednice, vodi zapisnik i učestvuje u radu Odbora za hitnost, ali nema pravo odlučivanja.

Zapisnik sa sjednice Odbora za hitnost, Generalni sekretar u roku od 3 (tri) dana dostavlja članovima Izvršnog odbora.

Odbor za hitnost zasjeda i donosi odluke između dvije sjednice Izvršnog odbora u predmetima i o pitanjima iz nadležnosti Izvršnog odbora koja ne trpe odlaganje.

Odbor za hitnost može zasijedati ako sjednici prisustvuju svi članovi, dok se odluke smatraju pravovaljano donesenim ako za njih glasaju 3 člana, ali se u svakom slučaju do iste mora pokušati doći konsenzusom.

U izuzetnim slučajevima, Odbor za hitnost može donositi odluke i putem telefona, telefaksa, pisanim i putem elektronske pošte.

#### XIV – PRAVNA TIJELA

##### Član 46.

Pravna tijela Saveza su:

- a) Disciplinska komisija;
- b) Apelaciona komisija;
- c) Tužilac.

Predsjednika i članove pravnih tijela bira Skupština na mandat od 4 godine, uz mogućnost ponovnog izbora.

Članovi pravnih tijela ne mogu istovremeno biti delegati u Skupštini Saveza, članovi Izvršnog odbora, niti članovi stalne ili povremene (ad hoc) komisije.

Predsjednici Disciplinske komisije, Apelacione komisije i tužilac Saveza moraju biti diplomirani pravnici.

Nadležnost i način rada, kao i druge odredbe o radu pravnih tijela, detaljnije se uređuju Poslovníkom o radu pojedinih pravnih tijela Saveza.

I na kandidate/članove pravnih tijela primjenjuju se odgovarajuće odredbe čl. 20. ovog Statuta.

##### **Disciplinska komisija**

##### Član 47.

Disciplinska komisija sastoji se od predsjednika i 2 člana i, zbog izbjegavanja sukoba interesa, 2 zamjenska člana.

Disciplinska komisija odluke donosi u skladu sa odredbama Disciplinskog pravilnika NS/FS BiH.

Za održavanje sjednice Disciplinske komisije potreban je kvorum od 2/3 ukupnog broja članova, odnosno 2 člana.

Disciplinska komisija odluke donosi većinom glasova ukupnog broja prisutnih članova Komisije.

1) Disciplinska komisija može izricati sljedeće sankcije:

- **za igrače:**

- a) opomena,
- b) novčana kazna
- c) zabrana igranja određenog broja utakmica (prvenstvenih, kup ili međunarodnih)

- d) zabrana igranja na određeno vrijeme
- e) isključenje iz kluba
- f) isključenje iz nogometne organizacije
- **za funkcionere, stručne i tehničke rukovodioce, trenere i suce:**
  - a) opomena,
  - b) novčana kazna
  - c) zabrana suđenja određenog broja utakmica;
  - d) zabrana vršenja funkcije na određeno vrijeme;
  - e) isključenje iz kluba ili rukovodstva;
  - f) isključenje iz nogometne/fudbalske organizacije.
  
- **Za rukovodstva nogometnih/fudbalskih organizacija:**
  - a) novčana kazna;
  - b) uslovna kazna;
  - c) zabrana vršenja funkcije na određeno vrijeme;
  - d) smjenjivanje sa funkcije;
  - e) isključenje iz nogometne/fudbalske organizacije.
  
- **Za klubove**
  - a) opomena;
  - b) novčana kazna;
  - c) zabrana igranja utakmica u inozemstvu;
  - d) zabrana igranja utakmica na određenom igralištu ili na svim igralištima određenog područja;
  - e) zabrana igranja utakmica na svom igralištu u prisustvu gledatelja;
  - f) oduzimanje bodova ili negativni bodovi;
  - g) vraćanje u niži stepen takmičenja.

Član 48.

Nadležnost, broj članova i način rada Disciplinske komisije uređuje se Poslovníkom o radu Disciplinske komisije.

**Apelaciona komisija**

Član 49.

Apelaciona komisija se sastoji se od predsjednika i 2 člana i, zbog izbjegavanja sukoba interesa, 2 zamjenska člana.

Za održavanje sjednice Apelacione komisije potreban je kvorum od 2/3 ukupnog broja članova, odnosno 2 člana.

Apelaciona komisija odluke donosi većinom glasova ukupnog broja prisutnih članova Komisije.

Apelaciona komisija u drugostepenom postupku odlučuje o žalbama uložanim u disciplinskom postupku i postupku po žalbama protiv odluka Komisije za takmičenje.

**Tužilac**

Član 50.

Savez ima jednog tužioca.

Tužilac zastupa interes saveza u disciplinskim postupcima.

Predsjednik saveza i predsjednici pravnih tijela mogu tražiti da tužilac Saveza provede istragu.

Tužilac ima pravo uložiti žalbu na odluku Disciplinske komisije i odgovarajuće pravno sredstvo na odluku Apelacione komisije.

Bliže odredbe o pravima i obavezama tužioca utvrđuju se Pravilnikom o radu tužioca, koji donosi Skupština.

**XV - TAKMIČENJA**

Član 51.

Savez je odgovoran za organizaciju takmičenja na nivou Saveza koju mu je u nadležnost prenio NS FBiH.

Savez može delegirati dio svojih odgovornosti iz prethodnog stava na udružene članove.

Član 52.

Takmičenja Saveza su slijedeća: prvenstva u muškom i ženskom, velikom i malom nogometu, prvenstva mlađih kategorija, kao i KUP natjecanje koje mu je u nadležnost prenio NS FBiH.

**Pravila takmičenja**

Član 53.

Izvršni odbor donosi pravila za takmičenje na nivou Saveza i za druga takmičenja koja su u njegovoj nadležnosti.

**Zabrana udruživanja ili saveza**

Član 54.

Udruženi članovi i njihovi klubovi ne mogu formirati udruženje ili saveze bez odobrenja od strane Saveza.



## H – SPOROVI

### Član 55.

Udružene članice, klubovi, članovi klubova i službena osobe Saveza ne mogu sporove koji proističu iz organizacije nogometnog takmičenja, odigranih utakmica, kao i druge sporove koji su u nadležnosti organa, tijela i komisija Saveza iznositi pred građanske/redovne/sudove, niti mogu voditi sudske i upravne postupke.

## XVI - MATERIJALNO FINANSIJSKO POSLOVANJE

### Član 56.

Savez ostvaruje prihode:

- 1) vlastitom djelatnošću;
- 2) iz sredstava koje Tuzlanski kanton osigurava u budžetu kantona;
- 3) od kotizacija, članarina i taksi članova Saveza, klubova, igrača, sudija, trenera i ostalih službenih osoba,
- 4) sponzorskih ugovora,
- 5) novčanih kazni koje su izrekla nadležna tijela Saveza,
- 6) dobrovoljnih priloga i drugih izvora u skladu sa zakonom.

Savez snosi troškove predviđene godišnjim finansijskim planom, ostale troškove koje je odobrila Skupština i troškove koje je odobrio Izvršni odbor u okviru svoje nadležnosti, kao i sve ostale troškove proistekle iz realizacije ciljeva Saveza.

### Član 57.

Sredstvima koja Savez ostvaruje vlastitom djelatnošću, raspolaže Savez, a odluku o njihovom trošenju donosi Izvršni odbor.

### Član 58.

- 1) Raspodjela ukupnih sredstava vrši se finansijskim planom.
- 2) Finansijsko (obračunsko) razdoblje traje jednu godinu i počinje svakog 1. januara i završava svakog 31. decembra.
- 3) Naredbodavac za izvršenje plana prihoda i rashoda utvrđenom odlukom o budžetu Saveza za tekuću godinu je Generalni sekretar.

### Član 59.

Materijalno-financijsko poslovanje Saveza vodi se u skladu sa zakonskim i podzakonskim propisima.

Član 60.

- 1) Savez može sticati pokretnu i nepokretnu imovinu.
- 2) Izvršni odbor odlučuje o sticanju, prodaji, prenosu na drugu pravnu osobu ili davanju u zakup nepokretne i pokretne imovine.

Član 61.

Savez je obavezan da organizira izradu vjerodostojnih računovodstvenih evidencija i finansijskih izvještaja sačinjenih u skladu sa Zakonom o računovodstvu i reviziji u Federaciji BiH, te reviziju godišnjeg finansijskog izvještaja.

Godišnji finansijski izvještaj usvaja Skupština.

Neovisni revizor koji, na prijedlog Izvršnog odbora, bira Skupština, obavlja reviziju finansijskog poslovanja Saveza u skladu sa Međunarodnim revizijskim standardima (ISA) i svoj izvještaj podnose Skupštini. Revizor se imenuje na razdoblje od godinu dana, sa mogućnošću ponovnog imenovanja u skladu sa Zakonom o računovodstvu i reviziji u Federaciji Bosne i Hercegovine.

Revizor mora ispunjavati uvjete propisane Zakonom o računovodstvu i reviziji u Federaciji Bosne i Hercegovine.

Član 62.

1) Članarine dospijevaju za plaćanje na dan 01. aprila tekuće godine. Godišnja članarina za nove članove za tekuću godinu mora biti plaćena u roku od 30 dana od završetka sjednice Skupštine na kojem su primljeni u članstvo.

2) Skupština određuje visinu godišnje članarine svake dvije godine, na prijedlog Izvršnog odbora. Članarina je jednaka za sve članove.

## **XVII - OSTALE ODREDBE**

### **A - IZUZEĆE**

Član 63.

1) U postupcima koje vode tijela i članovi Saveza, kao i pri donošenju odluka koje oni donose, ne mogu sudjelovati osobe - članovi tih tijela koji su direktno zainteresirani u tom predmetu. Član tijela, kad se rješava o prekršaju kluba ili člana kluba čiji je on član, izuzima se prilikom raspravljanja i odlučivanja o tom predmetu.

2) U postupcima drugog stupnja ne mogu sudjelovati osobe koje su sudjelovale u postupku ili pri odlučivanju u prvom stepenu.

## **B – SEKRETARIJAT/ STRUČNA SLUŽBA SAVEZA**

### Član 64.

Sekretarijat/stručna služba Saveza obavlja stručne, administrativno-tehničke i pomoćne poslove Saveza.

### Član 65.

Bliže odredbe o organizaciji Stručne službe sekretarijata Saveza, općim aktom koji donosi Izvršni odbor Saveza.

### Član 66.

Sekretarijat je odgovoran za:

- a) provođenje odluka tijela Saveza;
- b) vođenje računovodstva Saveza;
- c) pripremanje sjednica Skupštine, Izvršnog odbora, stalnih i povremenih (ad hoc) komisija;
- d) vođenje zapisnika na sjednicama Izvršnog odbora, stalnih i povremenih (ad hoc) komisija;
- e) odnose sa javnošću uz konsultaciju sa Generalnim sekretarom i Predsjednikom Izvršnog odbora
- f) administrativnu pomoć i podršku članovima Saveza.
- g) obavljanje drugih poslova predviđenih zakonom, Statutom i drugim propisima.

## **C - JAVNOST RADA**

### Član 67.

Rad Saveza je javan.

Javnost rada se ostvaruje:

- pravovremenim dostavljanjem materijala za rasprave članovima tijela Saveza i drugim pozvanim osobama,
- obavještavanjem medija i drugih sredstava javnog informisanja o održavanju sjednica,
- obavještavanjem građana o radu i poslovanju Saveza putem sredstava informisanja i na pres konferencijama, i
- na druge načine.

Savez izdaje svoje službeno glasilo.

## **D - PRIZNANJA I NAGRADE**

### Član 68.

- 1) Savez, na osnovu odluke Skupštine, dodjeljuje priznanja i nagrade u znak priznanja i časti za osobit doprinos razvoju nogometnog sporta,
- 2) Pravilnikom o dodjeli priznanja i nagrada koje donosi Izvršni odbor uređuje se postupak, uslovi i način predlaganja kandidata.

## **E - PRESTANAK RADA SAVEZA**

### **Član 69.**

Savez prestaje sa radom na osnovu odluke o raspuštanju Saveza za čije donošenje je potrebna  $\frac{3}{4}$  većina ukupnog broja delegata Skupštine.

U slučaju raspuštanja Saveza nadzor nad imovinom Saveza će biti povjeren Ministarstvu za obrazovanje, nauku, kulturu i sport TK-a, do ponovnog formiranja Saveza.

Ministarstvo iz prethodnog stava ne može koristiti, niti raspolagati povjerenom imovinom.

## **XVIII – PRELAZNE I ZAVRŠNE ODREDBE**

### **Član 70.**

U svim slučajevima kada je to potrebno, pored ovog Statuta, Statuta NS/FS BiH, NS F BiH, Pravilnika i Poslovnika, kao i pored odluka nadležnih organa Saveza, primjenjivat će se zakonodavstvo BiH, FBiH i TK-a.

Postupci koji se provode pred organima i tijelima Saveza vode se u skladu sa relevantnim odredbama propisa Saveza, NS/FS BiH i NS F BiH.

Obzirom da, u skladu sa ovim Statutom, članovi Saveza, pored općinskih nogometnih/fudbalskih saveza, mogu biti i asocijacije klubova, kao i pojedinaца (sudije, treneri i dr.) koji do sada nisu podnosili zahtjeve za prijem u članstvo, Skupština će utvrditi uslove i kriterije koje, pored zakonskih, moraju ispuniti da bi imali svoje predstavnike u Skupštini i Izvršnom odboru.

### **Pitanja koja nisu obuhvaćena Statutom**

#### **Član 71.**

O svim pitanjima koja nisu obuhvaćena ovim Statutom, kao i u slučajevima više sile, odlučuje Izvršni odbor Saveza.

### **Usvajanje Statuta**

#### **Član 72.**

Ovaj izmijenjeni i dopunjeni Statut je usvojen na sjednici Skupštine Saveza održanoj 15.08.2016. godine.

### **Stupanje na snagu**

#### **Član 73.**

Ovaj izmijenjeni i dopunjeni Statut stupa na snagu 8 (osmog) dana od dana usvajanja.

### **Izmjene i dopune**

#### **Član 74.**

Izmjene i dopune Statuta vrše se na način propisan za njegovo donošenje. Stupanjem na snagu ovog Statuta prestaje da važi Statut Saveza od 07.07.2012. godine.

### **Tumačenje Statuta**

#### **Član 75.**

Za tumačenje odredbi ovog Statuta nadležna je Skupština Saveza.

## **XIX – OBAVEZA USKLAĐIVANJA STATUTA UDRUŽENIH ČLANOVA**

#### **Član 76.**

Obavezuju se udruženi članovi da svoje Statute i druge akte usklade sa ovim Statutom u roku od 90 dana od dana stupanja na snagu ovog Statuta, te da po jedan primjerak svog Statuta dostave Generalnom sekretaru Saveza.

Do usklađivanja sa ovim Statutom, udruženi članovi će, ukoliko nisu u suprotnosti sa ovim Statutom, primjenjivati odredbe važećeg Statuta i drugih akata Saveza.

**PREDSJEDAVAJUĆI SKUPŠTINE  
PREDSJEDNIK NS TK  
MUHAMED AVDIĆ S.R.**